

LAPORAN PEMERHATIAN

Pihak Tindak Malaysia, salah satu badan bukan kerajaan yang memberi tumpuan kepada pembaharuan sistem pilihan raya, baru - baru ini mengambil bahagian dalam proses pemerhatian pilihan raya kecil DUN Chini. Ini merupakan peluang kali keempat yang kami telah mengambil bahagian dalam sektor Program Pemerhati. Oleh sebab tatacara norma baru, pihak kami telah diagihkan untuk memantau proses pilihan raya pada hari mengundi. Berikut adalah maklumat - maklumat ringkas mengenai proses pemerhatian dari pihak Tindak Malaysia

PASUKAN

1. Pihak Tindak Malaysia telah menghantar 3 orang Pemerhati. Kesemua Pemerhati adalah daripada kalangan pemerhati yang mempunyai pengalaman dalam bidang Ejen Tempat Mengundi dan Ejen Mengira Undi (PACA). Tambahan pula, mereka pernah berkhidmat sebagai Pemerhati di beberapa Pilihan Raya Kecil selepas Pilihan Raya Umum 14
2. Kawasan daerah mengundi dipantau : Kampung Dusun, Felda Chini 3, Felda Chini 5, Felda Chini Timur 2, Felda Chini Timur 3 & 4
3. Kita bekerjasama dengan pihak Bersih dan Engage dalam pengagihan Pemerhati untuk memberi liputan luas untuk DUN Chini

CIRI PEMERHATIAN : HARI PENGUNDIAN BIASA

PEMERHATIAN POSITIF

1. KP3 menolong KP2 membuka sarung tangan plastik untuk mempercepatkan pengundian.
2. Secara keseluruhan proses pengundian berjalan secara lancar dengan pematuhan hampir kesemua peraturan.
3. Tidak kelihatan bahan kempen terlarang.
4. Perkhidmatan kereta 'golf buggy' membawa pengundi ke pusat mengundi.
5. Kemudahan dan peralatan mencukupi.

PEMERHATIAN NEGATIF

1. Di kawasan Kampung Dusun (saluran 1 dan 3) dan Dewan Semai Bakti Kg Felda Chini 3 (saluran 3), KP3 dijumpai dengan pen di atas meja.

2. Catatan no siri pemilih di atas kertas kecil oleh ejen tempat pengundi di hampir kesemua saluran. Pemerhati kami menyampaikan pelanggaran rahsia pengundi kepada KTM namun sesetengah KTM tidak bersetuju. KTM gagal menghalang ejen tempat mengundi daripada membawa keluar salinan senarai pengundi yang telah mengundi. (SK Chini Timur 1, SMK Chini Timur, Dewan Semai Bakti Kg Dusun)
3. Kegiatan meraih undi dan peraih berpakaian parti masuk ke kawasan larangan di SK Chini Timur 1 dan Dewan Semai Bakti Kg Felda Chini 3.
4. Pengundi hadir lebih awal daripada waktu yang ditetapkan. Pemerhati kami mendapati Saluran 1 sesak sehingga ketiadaan tempat duduk.
5. Penjarakan sosial kurang memuaskan pada pagi hari pengundian di SK Chini Timur 1 dan Dewan Semai Bakti Kg Dusun. Apabila pegawai Kementerian Kesihatan tiba, orang ramai mula mematuhi penjarakan sosial.
6. Untuk Saluran 2 di Kampung Dusun, KP1, Ketua Tempat Mengundi (KTM) dan pegawai SPR tidak pasti untuk mengesahkan identiti pengundi ,apabila Orang Asli yang bertukar agama dan menyebabkan penulisan IC telah ditukar daripada A/L atau A/P kepada Bin atau Binti. Ini berbeza dengan buku daftar pemilih.
7. Kerani memegang jari pengundi untuk menanda dakwat kekal. Berus kurang menyerap dan kerani terpaksa celup dakwat kekal berulang kali.
8. Sarung tangan sukar dimasukkan ke dalam sesetengah tangan pengundi.
9. Tandas tidak menyediakan sabun cuci tangan.
10. Terdapat kes - kes di mana KP1 dan KP2 mengesahkan kad pengenalan pengundi dua kali walaupun pengesahan hanya dilakukan pada peringkat KP1

CADANGAN PENAMBAHBAIKAN:

1. Penyampaian larangan membawa keluar catatan no siri atau nama pengundi sebelum pengundian ditutup dalam taklimat KTM dan buku panduan KTM.
2. Penggantian berus kepada putik kapas untuk menanda dakwat kekal lebih berkesan dan murah.
3. Kepada polis yang menjalankan tugas, sebelum pengundi diberi masuk ke dalam saluran, polis dicadangkan untuk memberi cecair sanitizer kepada pengundi. Dalam masa yang sama, Polis boleh mengarahkan tiga pengundi di hadapan untuk bersedia menyediakan Kad Pengenalan, menurunkan penutup muka semasa KP1 mengenal pasti pengenalan muka dan menunjukkan jari kepada KP2 sebelum menandakan

dakwat dan masukkan sarung tangan. Poster tatacara pengundian norma baru dicadangkan untuk ditampal pada pintu masuk saluran.

4. Pengambilan suhu badan perlu diambil sebelum pengundi masuk ke kawasan pengundian dan tidak perlu diambil semula selepas pengundi keluar..
5. Menyemak kembali garis panduan berlebihan yang tidak diperlukan supaya tidak menambah beban petugas dan merumitkan pengundi.
6. Kelebihan sumber seperti dua khemah atau kanopi besar yang dilengkapi 4 penghawa dingin untuk pengundi tidak digalakkan dalam tempoh perintah kawalan pergerakan pemulihan (PKPP).
7. SPR boleh menjalankan ujian kesesuaian aset sesuatu saluran seperti pendingin udara yang mengeluarkan bunyi bising terutama di saluran 1 Dewan Semai Bakti.

SEKIAN

RAYMOND TAN

*PEMERHATI PRK DUN CHINI
TINDAK MALAYSIA*

JOHN KU

*PEMERHATI PRK DUN CHINI
TINDAK MALAYSIA*

DISUNTING OLEH:

DANESH PRAKASH CHACKO
PENGARAH TINDAK MALAYSIA